

## **KIKUNDI CHA KUSAIDIANA WANAKAGERA (KIKUWA)**

### **KAMATI YA MAAFA NA STAREHE**

#### **MAPENDEKEZO YA HUDUMA YA VYOMBO NA VIFAA VYA KIKUWA**

##### **1:0. HUDUMA YA VITI**

##### **1:1: Huduma ya Viti kwenye Msiba kwa Mwanachama wa KIKUWA**

Mwanachama wa KIKUWA ambaye atapatwa na msiba ambao kikatiba anapaswa kuhudumiwa na KIKUWA, atakuwa na haki ya kutumia viti vya KIKUWA kwa kwa ufuatao:

- i. Kamati ya Starehe na Maafa itakuwa na jukumu la kupeleka viti nyumbani kwa mwanachama huyo na kuvirudisha msiba ukiisha.
- ii. Mwanachama atapaswa kuteua mwanafamilia ambaye atakabidhiwa viti hivyo kipindi chote cha msiba na kuvikabidhi kwa Kamati ya Starehe na Maafa msiba utakapoisha. Iwapo mwanachama amefariki, familia itateua mtu ambaye atakabidhi viti
- iii. Iwapo kutatokea viti kupotea wakati wa msiba aliyekabidhiwa viti atalazimika kununua viti vilivyopotea.
- iv. Iwapo viti vitavunjika wakati wa msiba, aliyekabidhiwa viti atalazimika kukabidhi mabaki ya viti vilivyovunjika. Gharama za kununua viti vilivyovunjika zitagharimiwa na KIKUWA.

##### **1:2. Huduma ya Viti kwenye matukio Binafsi kwa Mwanachama**

Mwanachama anaweza kuwa na tukio binafsi linalohitaji matumizi ya viti vya KIKUWA. Mwanachama atapata viti hivyo bila gharama yoyote. Mwanachama atapaswa kuzingatia mambo yafuatayo:

- i. Ataandika barua kwa Mwenyekiti wa KIKUWA kuomba huduma ya viti akianisha idadi ya viti anavyotaka, tukio alilolalo, sehemu tukio litakapofanyika.
- ii. Muda wa kukaa na viti hautazidi siku tatu. Iwapo muhusika atazidisha siku tatu atalazimika kulipia kila kiti Tsh.400/= kwa kila siku zinazoongezeka.
- iii. Atagharimia gharama za kusafirisha viti kwenda kwake na kuvirudisha.
- iv. Wakati wa kurudisha viti atahakikisha vinasafishwa kabla ya kuivikabidhi.
- v. Iwapo kuna viti vitapotea au kuharibika atagharimia gharama za ununuzi wa viti hivyo.

## **2:0. HUDUMA YA VYOMBO NA TURUBAI**

### **2:1. Huduma ya vyombo kwenye msiba kwa Mwanachama**

Mwanachama akipata msiba ambao kikatiba anapaswa kuhudumiwa na KIKUWA atakuwa na haki ya kutumia vyombo na vifaa vya KIKUWA. Utaratibu wa kutumia vyombo hivyo utakuwa kama ifuatavyo:

- i. Vyombo vitatumika siku ambayo KIKUWA itakuwa inatoa huduma ya kupika msibani na vyombo hivyo vitakuwa chini ya usimamizi wa KIKUWA.
- ii. Iwapo vyombo hivyo vitaharibika au kupotea katika siku ambayo KIKUWA wanatoa huduma ya kupika msibani, Kikundi kitagharimia vyombo vilivyopotea au kuharibika.
- iii. Iwapo mfiwa atahitaji kutumia vyombo vya KIKUWA kabla au baada ya siku ya KIKUWA kutoa huduma ya kupika, atalazimika kuandika barua kwa Mwenyekiti wa KIKUWA kuomba vyombo hivyo na vitakuwa chini ya uangalizi wake kwa kipindi chote.
- iv. Iwapo itatokea vyombo kuharibika au kupotea vikiwa chini ya mwanchama aliyeomba vyombo hivyo, atalazimika kugharimia upotevu na uharibifu huo.

## **3:0. HUDUMA YA VITI KWA WAOMBAJI WASIO WANACHAMA**

KIKUWA itatoa huduma ya kukodisha viti kwa Waombaji wengine ambao sio wanachama ili kuongeza kipato cha Kikundi. Ukodishaji wa viti kwa Waombaji ambao sio wanachama utazingatia mambo yafuatayo:

- i. Gharama za kukodisha kiti kimoja itakuwa Tsh.400/=
- ii. Mwombaji ataandika barua kwa Mwenyekiti wa KIKUWA kuomba vitu.
- iii. Mwombaji atagharimia gharama za kusafirisha viti.
- iv. Mwombaji atalazimika kurudisha viti siku ya tatu tangu achukue viti. Iwapo hatashindwa kurudisha viti hivyo kwa muda huo atalazimika kulipia kila kiti Tsh.400 kwa siku zitakazoongezeka.
- v. Iwapo viti vitaharibika au kupotea mwombaji atagharimia upotevu na uharibifu huo.
- vi. Wakati wa kurudisha viti Mwombaji atalazimika kusafisha viti hivyo kabla ya kuvikabidhi.

## **4:0. HUDUMA YA VYOMBO NA TURUBAI KWA MWOMBAJI HASIYE MWANACHAMA**

Hapatukuwepo huduma ya kukodisha vyombo na maturubai kwa mwombaji ambae sio mwanachama.